

**«Хотин-қизлар ва эркакларнинг тенг ҳуқуқлари ҳамда
имкониятлари кафолатлари тўғрисида»ги
Ўзбекистон Республикаси Қонуни тарғиботи юзасидан амалга оширилган
ишлар тўғрисида**

2024 йил давомида «Хотин-қизлар ва эркакларнинг тенг ҳуқуқлари имкониятлари кафолатлари тўғрисида Қонуни мазмун-моҳиятини тушунтириш бўйича ташкилотлар, идора ва маҳалларда **37та** тарғибот тадбирлари ўтказилди.

Телевидениеда **15** мартаба чиқишлар қилинди, ҳудудларда, олис қишлоқларда уйма-уй юриб **16 мингдан** ортиқ ҳуқуқий маслаҳатлар берилди. Бунда оддий тилда қонунчиликни тушунтиришга эътибор қаратилиб, буклет, флаер ва плакатлар шаклида аҳолига **тарқатилди**.

Ўтказилган тадбирларда аёллар ва эркакларнинг гендер камситилишига йўл қўймаслик, жамият ҳаёти ва фаолиятининг барча соҳаларида аёллар ва эркаклар учун тенг ҳуқуқлар ва имкониятларни таъминлаш, гендер тенглик, жинсий белгиси бўйича камситиш тушунчаси ва турлари, ваколатли органларнинг вазифалари ва функциялари, давлат бошқарувида иштирок этишда, ишга қабул қилишда, кредитлар олишда ва тадбиркорлик билан шуғулланишда гендер тенгликни таъминлаш бўйича нормалар, гендер тенглик бузилишининг олдини олишга қаратилган чора-тадбирлар, шунингдек бунга олиб келадиган қилмишлар содир этганлик учун жавобгарлик юзасидан тушунтиришлар берилди.

Ташкилот ва идораларда давлат хизмати соҳасида аёллар ва эркакларнинг тенг иштирокини, давлат хизматида лавозим эгаллаш учун танловда тенг иштирокини таъминлаш, сайлов ҳуқуқини амалга оширишда, маърифат, таълим, фан ва маданият ҳамда соғлиқни сақлаш соҳасида, иқтисодий соҳада ва тадбиркорлик фаолиятида, меҳнат мажбуриятларини ва оилавий мажбуриятларни бирга бажаришда, ижтимоий ҳимоя соҳасида уларнинг тенглигини таъминлаш масалалари кенг муҳокама қилинди.

Шунингдек, мазкур Қонуннинг мазмун-моҳиятини аҳолига етказиш бўйича ахборот-таҳлилий ва обзорли медиа материаллар ва видеороликлар тайёрланди, **теле-ва радиокўрсатувлар** ҳамда репортажлар тайёрланиб эфирга ва Интернет тармоғига узатилди.

Ходимларнинг ҳуқуқий билимларини ошириш мақсадида учрашувлар ташкил этилди.

Журналистлар ва оммавий ахборот воситалари вакиллари учун алоҳида тренинглар ташкил қилиниб, соҳа вакилларида **75 нафари** ўқитилди.

2024 йилда раҳбарият томонидан бевосита ҳудудларга чиққан ҳолда ўтказилган **30 дан ортиқ** сайёр қабуллар жараёнида жами 199 нафар жисмоний ва юридик шахсларнинг вакиллари қабул қилинди.